

**Andamon ang Atong Kaugalingon alang sa Pagbalik sa Ginoo
sa Pagkaanaay Nadasig Pag-usab nga Pagkinabuhi
ug Pagpangabudlay sa Pagpangatiman**

Basahong Kasulatan: 2 Cor. 4:16-18; Juan 21:15-17

- I. Aron maandam ang atong kaugalingon alang sa pagbalik sa Ginoo, mintinahon gyod nato ang atong pagdaog sa pagkaanaay nadasig pag-usab nga pagkinabuhi, pagkinabuhing nabag-o adlaw-adlaw (2 Cor. 4:16-18); lunhawon gyod matag buntag kining pagbag-oha (Mat. 13:43; Luc. 1:78-79; Prov. 4:18; Huk. 5:31):**
- A. Magpahimulos gyod ta sa Ginoo sayo sa buntag aron dunay bag-ong pagsugod matag adlaw—Sal. 119:147-148.
 - B. Matag buntag pasubangon gyod nato si Ginoong Jesus, nga Adlaw nato, sa sulod nato aron mabag-o ta—Luc. 1:78-79; Mal. 4:2; Huk. 5:31:
 - 1. Mobangon gyod tag sayo sa buntag aron makig-ambitay sa Ginoo, ug makaampo ta nga, “Salamat, Ginoo, sa bag-ong pagsugod; halandomong adlaw gyod unta sa akong kinabuhi kining adlaw”; kini ang ginganlan natog matag buntag nga pagkadasig pag-usab.
 - 2. Matag buntag ihalad gyod nato si Cristo isip halad nga sinunog ug halad sa pakigdait nato, basi sa Iyang pagkahalad tungod sa sala nato, aron duna tay bag-ong pagsugod; dili lang nga buhaton gyod nato kini matag adlaw, kondili buhaton sab gyod nato kini nga may katam-is ug giladmon—Lev. 6:12-13.
 - 3. Ang paghimo nato ni Cristo nga halad nga sinunog nato matag buntag paghimo man Kaniya nga Personang nagkinabuhi nga bug-os gyod alang sa katagbawan sa Dios ug isip kinabuhing makapakinabuhi nato sa ingon niana—1:9; 6:12-13; Juan 5:19, 30; 6:38; 7:18; 8:29.
 - C. Aron naa tay nadasig pag-usab nga pagkinabuhi, mga tawo gyod unta ta nga nahigugma sa Ginoo sa kinahingpitan gyod ug nagkinabuhi ngadto Niya nga ang adlaw-adlawng tumong mao ang pagpahimulos ug pagpakabaton kang Cristo sa kinahingpitan gyod—1 Cor. 2:9; 2 Cor. 5:14-15; Fil. 3:14.
 - D. Mga tawo gyod unta ta nga nagkinabuhi sa kinabuhi sa halaran ug sa tolda—Gen. 12:7-8; 13:3-4, 18:
 - 1. Ang pagpakita sa Dios kanato moresulta sa atong paghalad, makapatukod natog halaran; alang sa pagsimba nato sa Dios ang halaran sa paghalad nato sa tibuok natong pagkamao ug tanang naa nato ngadto sa Dios alang sa Iyang tuyo; nagpasabot ang pagtukod og halaran nga alang sa Dios ang atong kinabuhi, nga ang Dios maoy atong kinabuhi, ug nga ang Dios maoy kahulogan sa atong kinabuhi—8:20-21a; Exo. 29:18-22.
 - 2. Ang pagkinabuhi sa kinabuhi sa halaran pagpahayag man nato nga mga langyaw ug mga dumuluong ta sa yuta nga nangandoy og mas maayong nasod ug mahinamong nagpaabot sa syudad nga tinukod-sa-Dios, ang Bag-ong Jerusalem—Heb. 11:9-10, 13, 16.
 - E. Ang madasig pag-usab nga gibag-o adlaw-adlaw pagkatransporma man nga lunhaw adlaw-adlaw; kon magpabilin ta ning pagtransporma sa tibuok natong kinabuhi, motubo ta diha sa kinabuhi sa Ginoo hangtod mahamtong ta—Rom. 12:2; 2 Cor. 3:18; Heb. 6:1a.
 - F. Gibag-o ta adlaw-adlaw pinaagi sa upat ka butang: sa krus (2 Cor. 4:10-12, 16-18);

sa Espiritu Santo nga pinaagi niini gipabalik ta pag-usab sa maayong kahimtang, gibuhat pag-usab, ug gibag-o sa dagway pinaagi sa diosnong kinabuhi (Tito 3:5); sa nasagol nga espiritu nato (Efe. 4:23); ug sa balaang pulong sa Dios (5:26).

G. Motambong gyod ta sa talad sa Ginoo diha sa kabag-o (Mat. 26:29); dili gyod modawat ang Ginoo og daang talad; kinahanglan mabag-o ta pinaagi sa pagkat-on nato sa pag-ingon og, “Gikasubo nako; pasayloa ko.”

H. Samtang nag-antos ta, modawat gyod ta sa bag-ong mga puangod sa Ginoo matag buntag aron masinati nato ang Iyang pagbag-o; kay kon dili, mao ra gihapon ta, ug makawang lang ang pag-antos nga nasinati nato—Lam. 3:22-24; 2 Cor. 4:16-18.

II. Aron maandam ang atong kaugalingon alang sa pagbalik sa Ginoo, mintinahon gyod nato ang pagdaog sa pag-apil nato sa langitnong pagpangalagad ni Cristo sa pagpakaon sa Iyang mga nating karnero ug pagpangatiman sa Iyang mga karnero aron maatiman ang panon sa Dios, nga mao ang iglesia nga mosangpot sa Lawas ni Cristo—Juan 21:15-17; 1 Ped. 2:25; 5:1-4; Heb. 13:20-21:

A. Atimanon gyod nato ang mga tawo sumala sa sumbanan ni Ginoong Jesus sa pagpangalagad Niya aron matuman ang walay kataposang pamatigayon sa Dios—Mat. 9:36; Juan 10:11; Heb. 13:20; 1 Ped. 5:4:

1. Ang wala pagbaton nato sa mahigugmaon ug mapasayloong kasingkasing sa Amahan ug sa maatimanon ug mapangitaong espiritu sa Manluluwas maoy hinungdan sa pagkaapuli nato—Luc. 15:1-24.

2. Panggaon gyod nato ang mga tawo (lipayon sila ug ipabati nila ang kamaayo ug kahayahay) diha sa pagka-tawo ni Jesus (Mat. 9:10; Luc. 7:34); til-ogan gyod nato ang mga tawo (pakan-on sila sa malangkobon-sa-tanan nga Cristo sa pagpangalagad Niya sa tulo ka hugna) diha sa pagkadios ni Cristo (Mat. 24:45-47).

3. Niagi gyod si Cristo sa Samaria, nilikog tuyo sa Sicar, aron mabatonan ang usa ka babayeng walay moralidad, nagpangga niya sa pagpangayo kaniyang mainom aron matil-ogan siya sa nag-agay nga Tulo-usang Dios nga suba sa tubig sa kinabuhi—Juan 4:3-14.

4. Isip walay sala, wala Niya hukmi ang babayeng mananapaw kondili gipangga siya aron balaodnong mapasaylo ang iyang mga sala ug organicong mapahigawas sa iyang mga sala (8:1-11, 32, 36); makahuloganon sab nga ang unang giluwat ni Cristo sa pagkalansang Niya sa krus tulisan nga gisentensyahan sa kamatayon (Luc. 23:42-43).

5. Niadto ang Ginoo sa Jerico aron moduaw ug mabatonan Niya ang usa ka tawo, nga punoang maniningil og buhis, ug pagpangatiman ang Iyang pag-sangyaw (19:1-10); gipangga sab niya ang mga ginikanan sa pagtapion Niya sa Iyang mga kamot sa ilang mga anak (Mat. 19:13-15).

6. Sa pagpangatiman Niya sa kaiglesiahan nga bulawang mga tangkawan, ang nikayab nga Ginoo mao ang “naglakaw nga Cristo” ug ang “namulong nga Espiritu”; sa paglakaw Niya taliwala sa kaiglesiahan, nasayran Niya ang kahimtang sa matag iglesia, ug unya sumala sa nakita Niya, namulong Siya kanato aron metabolico ug organicong matransporma ang tanang balaan sa kaiglesiahan sa tuyo nga himoon silang mga mananaog Niya—Bug. 1:12-13; 2:1, 7.

B. Atimanon gyod nato ang mga tawo sumala sa sumbanan ni apostol Pablo, nga nangatiman sa mga balaan ingon sa inahang nagpasuso ug amahang nagtambag aron maatiman ang panon sa Dios—1 Tes. 2:7-8, 11-12; 1 Tim. 1:16; Buh. 20:28:

1. Giatiman ni Pablo ang mga balaan sa Efeso sa pagtudlo niya kanila “atubangan sa katawhan ug sa balaybalay” (v. 20) ug sa pagtambag niya sa matag usa sa mga balaan uban sa mga luha sa tulo ka tuig (vv. 31, 19), gipahayag kanila ang tanang laraw sa Dios (v. 27).
2. Suod nga nagtagad si Pablo sa mga magtutuo (2 Cor. 7:2-7; Filem. 7, 12), ug nagmaluyahon siya taliwala sa mga maluyahon aron mabatonan niya sila (2 Cor. 11:28-29; 1 Cor. 9:22; itandi sa Mat. 12:20).
3. Andam si Pablo nga mogasto sa naa niya, nga nagpasabot sa iyang katigayonan, ug mogasto sa pagkamao niya, nga nagpasabot sa iyang pagkatawo, tungod ug alang sa mga balaan (2 Cor. 12:15); halad-ilimnon siya, nausa ni Cristo nga tigpalugwag bino, nisakripisyo sa iyang kaugalingon aron makapahimulos ni Cristo ang uban (Fil. 2:17; Huk. 9:13; Efe. 3:2).
4. Naggawi si Pablo sa Espiritu aron magpasidungog sa Dios ug makapangalagad sa Espiritu nga magpasidungog sa tawo—2 Cor. 3:3, 6, 8; Gal. 5:16, 25; Huk. 9:9.
5. Gipakita ni Pablo sa pagpanudlo niya nga panimalay ang iglesia nga momatuto sa mga tawo, balay-tambalanan nga moayo ug mopahiuli nila, ug tunghaan nga motudlo ug mopalig-on nila—Efe. 2:19; 1 Tes. 5:14; 1 Cor. 14:31.
6. Gipadayag ni Pablo nga ang gugma maoy labing maayong paagi aron mahimo tang bisan unsa ug makabuhat og bisan unsa aron matukod ang Lawas ni Cristo; modaog ang gugma—8:1; 12:31; 13:4-8a; Efe. 1:4; 3:17; 4:2, 15-16; 5:2; 6:24; Bug. 2:4-5; Col. 1:18b; 1 Tes. 1:3.